

Dritti Wält

Dritti Wält

Text und Musik
Jacob Stickelberger

Als Bueb het är scho lang ischs här sys ersch - te Gält er -
 wor - be füzg Rap - pe syn es gsy är isch der - by vor Stolz fasch
 gstor - be und won är mit däm vi - le Gält het öp - pis wei - le
 chou - fe da chunnt prä - zis i däm Mo - mänt en al - te Bätt - ler z'lou - fe är
 seit däm ar - me Ma du chasch das Füz - zgi ha Ir
 de chunnt di drit - ti Wält und wott vo üs no Gält

- Bueb het är scho lang ischs här
 sys erschte Gält erworbe
 füzg Rappe syn es gsy
 är isch derby vor Stolz fasch gstorbe
 und won är mit däm vile Gält
 het öppis welle choufe
 da chunnt präzis i däm e Momänt
 en alte Bättler z'loufe -

är seit däm arme Ma
 du chasch das Füzgi ha
- Ir Schuel de i de Ferie
 isch är ga Täller wäsche
 bringt ds Bier für d'Mannen uf em Bou
 zäh Rappe gits pro Fläsche
 denn neuschters wär si gröschte Troum
 es eigets Velo z'bsitze
 eis mit zäh Gäng und wäge däm
 verdient und spart er jitze

seit jitz däm arme Ma
 du chasch nümm alles ha
- Das Velo het er den erworbe
 später den es Mofa
 und den es Outo den e Frou
 wo wott es Lädersofa
 zwar het er jitze rächt verdienet
 mit sym guete Poschte
 und trotzdäm blybt em nid z'vil Gält
 bi syne Läbeschoschte

und seit däm arme Ma
 du chasch e Suppe ah
- Je meh är später het verdient
 descht meh hets ds Gält ihn groue
 wil är het jede Franke brucht
 won är het afa boue
 es grosses Hus wo so vil choschtet
 das ers mues belaschte
 mit Hypothek bi dr Bank
 mues drum no fasch gar faschte

seit: lue du arme Ma
 i bi nid besser dra
- Je höher ds Ghalt descht grösser d'Not
 denn ds standsgmässe Läbe
 brucht hüfig meh als ynechunnt
 ou d'Stüre stygen äbe
 und won er chürzlech uf Kredit
 es Sägelschiff wott choufe
 da dänkt er bi däm Bättler wo
 i däm Momänt chunnt z'loufe:

i sötti vo däm Ma
 sys Wenige no ha
- Jitz sy mir ds rychschte Land vor Wält
 und müesse trotzdäm spare
 denn rych sy heisst geng z'weni ha
 wie mir grad hei erfahre:
 für d'Strassen und für d'AHV
 für all di Subventione
 für d'Bahnen und für Gwässerschutz
 da fähle Millione -

de chunnt di Dritti Wält
 und wott vo üs no Gält